

dianus, significari vilo modo potest. Etenim Sardinia appellari debebat ἡ Σαρδῶων et quomodo Perseus, qui fertur fretum Herculeum incedisse nauibus, Gorgonem captans, nauigasse ab Cerna insula ad agrum Sardinum, et hinc illuc renauigasse, dici possit; praesertim quum verba διαπλέων τὰ παρατῆς ἐτέρας εἰς τὴν ἐτέραν satis declarent, in verbis τῆς Σάρδεων nomen insulae corruptum latere debere? Iam vero quum Gades fuerint insula extra fretum Herculeum, vt Cerne, adeo vt Perseus recte dicatur mare inter vtramque insulam nauigasse; quum Gaditani ab Graecis non modo Γαδειῖται, et Γαδειῶται, et Γαδειῶνοι, sed etiam Γαδειῆς, nominati reperiantur *); quum Articulus ἡ requirat gentile nomen; quum vocabulum Σάρδεων parum differat a vocabulo Γαδειῶν certissimum putamus, pro καὶ τῆς Σάρδεων legendum esse καὶ τῆς Γαδειῶν. Certe sic omnia praeclare inter se cohaerere in illa Narratione reperientur: neque dubitandum videtur, quin hoc vitium pepererit librariorum error, qui ante de Κύρῳ insula cogitarint, cui Σαρδῶν insulam adiungendam putarent.

V. Sed vt has locorum Palaephati correctiones, ex ingenio depromtas, arbitramur satis certas esse atque idoneas; ita non nescimus, magnum numerum eiusdem generis coniecturarum allatum esse ab interpretibus libelli, aliisque viris doctis, semper, quae essent inanes et vanae. Cuius quidem leuitatis caus-

E 3

fas

*) V. Stephanus Byzant. Dionys. Perieg. 451
in v. γάδισρα et Eustathius ad